



GRAD BIHAĆ BUDŽET ZA GRAĐANE za 2021. godinu

31.568.364 KM

Površina grada Bihaća iznosi 689 km², što čini 21,8 % teritorije USK-a i 1,7 % BiH

Grad se sastoji od 35 Mjesnih zajednica koje služe kao veza između
Gradonačelnika i građana

Grad ima 61.186 stanovnika

UVODNA RIJEČ GRADONAČELNIKA GRADA BIHAĆA

Dragi sugrađani,

Pred Vama je Budžet za građane Grada Bihaća-brošura koja predstavlja pojednostavljenu verziju Budžeta Grada za 2021. godinu.

Budžet za građane na najjednostavniji način prikazuje kako će se prikupljati i trošiti novac iz budžeta Grada Bihaća tokom 2021. godine.

Nije važno samo da Budžet bude dostupan javnosti, već da bude i pristupačan i razumljiv građanima.

S obzirom na to da u budžet Grada novac od poreskih obveznika prema budžetskom planu pristiže i troši se tokom čitave godine, naša je obaveza da s njim raspolažemo u najboljem interesu naše lokalne zajednice, te da građanima prezentiramo tačne i razumljive podatke o izvorima prikupljenog novca i njegovom trošenju.

Treba napomenuti da je u pripremi Budžeta za 2021. godinu pored stručnih lica i konsultanata iz oblasti finansija, učestvovao i veliki broj građana, predstavnika savjeta mjesnih zajednica i nevladinih organizacija, prilikom čega su izvršene brojne individualne i grupne konsultacije.

Priprema Budžeta za građane Grada Bihaća predstavlja samo još jedan korak u nastojanju da budemo transparentniji i otvoreniji u procesima donošenja važnih odluka, te da građanima što više približimo najvažniji dokument koji se donosi za svaku fiskalnu godinu.



Gradonačelnik
Šuhret Fazlić

BUDŽET

Budžet je dokument kojim se planiraju prihodi i rashodi u jednoj fiskalnoj godini. On je također ključni instrument pomoću kojeg Grad provodi svoju politiku u djela. Budžet je obično veoma kompleksan dokument, pa je samim tim i teško razumljiv velikom dijelu javnosti i upravo zbog toga smo se odlučili za izradu ovog dokumenta koji će kroz slikovite tabele i grafikone pojasniti budžet i njegove dijelove.

Budžet priprema Gradonačelnik u saradnji sa gradskim službama i javnim ustanovama, te sa građanima i udruženjima iz raznih oblasti putem javne rasprave o nacrtu budžeta. Konačni budžet usvaja Gradsko vijeće do kraja tekuće godine za narednu godinu.

Budžet se može mijenjati tokom godine, što se naziva izmjene i dopune budžeta (rebalans). Procedura izmjena i dopuna budžeta identična je proceduri njegovog donošenja, odnosno predlaže ih Gradonačelnik, a usvaja Gradsko vijeće.

Budžet mora biti uravnotežen, što znači da ukupna visina planiranih prihoda mora pokrivati ukupnu visinu planiranih rashoda.

DIJELOVI BUDŽETA

Dijelovi budžeta su:

- OPĆI DIO-sastoji se od računa prihoda i rashoda, te računa finansiranja, odnosno sastoji se od strukture prihoda i primitaka te rashoda i izdataka po vrstama
- POSEBNI DIO-sastoji se od plana rashoda i izdataka budžetskih korisnika iskazanih po vrstama, raspoređenih u tekuće izdatke i kapitalne investicije.

PRIHODI BUDŽETA za 2021. godinu

Novac građana čini budžete svih nivoa vlasti, pa tako i gradskog budžeta.


On se u vidu prihoda prikuplja iz poreza (na imovinu, od dohotka, od akciza i PDV-a) i neporeznih prihoda (gradske takse i naknade i prihodi od pružanja usluga).

Prihodi koji čine budžet su:

- POREZNI-ostvaruju se na temelju federalnih i kantonalnih propisa. U ukupnim приходima učestvuju sa 36,03 %. Najveće učešće u okviru istih imaju prihodi od indirektnih poreza, i to 47,28 % sa iznosom od 5.377.949 KM. Slijede ih prihodi od poreza na dohodak, s učešćem u poreznim приходima od 35,75 % ili 4.067.000 KM. U okviru poreznih prihoda planiraju se također prihodi od poreza na imovinu, te prihodi po osnovu zaostalih obaveza iz razloga prestanka primjene propisa na osnovu kojih su se ostvarivali, a donošenjem Zakona o porezu na dohodak.

- NEPOREZNI-ostvaruju se na temelju federalnih i gradskih propisa. U ukupnim prihodima učestvuju sa 44,41 %. Najveće učešće u okviru istih imaju naknade, takse i prihodi od pružanja javnih usluga, i to 85,29 % ili 11.957.293 KM.
- TEKUĆE POTPORE, DONACIJE I KAPITALNI TRANSFERI-ostvaruju se apliciranjem na projekte kod nadležnih federalnih i kantonalnih ministarstava, te međunarodnih i domaćih organizacija. U ukupnim prihodima učestvuju sa 12,56 %.
- RAČUN FINANSIRANJA - odnosi se na primitak od kratkoročnog kreditnog zaduženja u iznosu od 1.000.000 KM, a u svrhu finansiranja povremene nelikvidnosti u budžetskoj 2021. godini.


Ekon. kod	OPIS	Budžet za 2021. godinu	Učešće u ukupnim prihodima
71	Porezni prihodi	11.374.649	36,03 %
72	Neporezni prihodi	14.019.793	44,41 %
73	Tekuće potpore i donacije	1.242.156	3,93 %
74	Kapitalni transferi	2.721.882	8,62 %
81	Račun finansiranja	1.000.000	3,17 %
11	Neurošena sredstva računa za kapitalne investicije	1.209.884	3,83 %
	SVEUKUPNO:	31.568.364	100,00 %



RASHODI BUDŽETA za 2021. godinu

Sredstva iz budžeta Grada se izdvajaju za funkcioniranje Gradskog organa uprave, Gradskog pravobranilaštva, JU „Centar za socijalni rad“, JU „Zavod za prostorno uređenje“, JU „Kulturni centar“, JU za sport, odmor i rekreaciju, tekuće i kapitalne grantove, kapitalne izdatke, te otplatu kredita.

Ekon. kod	OPIS	Budžet za 2021. godinu	Učešće u ukupnim rashodima
611	Bruto plaće i naknade zaposlenih	7.394.188	23,42 %
612	Doprinosi poslodavca	695.827	2,20 %
613	Izdaci za materijal, sitan inventar i usluge	5.473.868	17,34 %
614	Tekući grantovi	5.843.581	18,51 %
615	Kapitalni grantovi	1.026.544	3,25 %
616	Kamate na domaće pozajmljivanje	238.390	0,76 %
821	Kapitalni izdaci	7.623.484	24,15 %
823	Otplate domaćeg pozajmljivanja	2.742.482	8,69 %
999	Tekuća rezerva	30.000	0,10 %
591	Dio deficita iz 2020.godine	500.000	1,58 %
	SVEUKUPNO:	31.568.364	100,00 %



U Budžetu za 2021. godinu planirana su sredstva u iznosu od 13.575.883 KM za bruto plaće i naknade zaposlenih (naknade za prevoz s posla i na posao, naknade za topli obrok, regres za godišnji odmor, otpremnine zbog odlaska u penziju, pomoći u slučaju smrti i bolesti), te tekuće izdatke za funkcioniranje Gradskog organa uprave, JU „Centar za socijalni rad“, JU za sport, odmor i rekreaciju, JU „Kulturni centar“, JU „Zavod za prostorno uređenje“ (putni troškovi, izdaci za energiju, izdaci za komunikaciju i komunalne usluge, nabavka materijala i sitnog inventara, izdaci za usluge prevoza i goriva, unajmljivanje imovine i opreme, izdaci za tekuće održavanje, izdaci osiguranja, bankovnih usluga i usluga platnog prometa, te ugovorene i posebne usluge unutar kojih su planirane razne komisije oformljene od strane Gradonačelnika i Gradskog vijeće, naknade za primljene volontere, stručno osposobljavanje zaposlenih, te razne druge ugovorene usluge) i Programe JU “Zavod za prostorno uređenje”.

Za tekuće i kapitalne grantove planiran je iznos od 6.870.125 KM. Oni predstavljaju bespovratna davanja potrošačkim jedinicama za redovne djelatnosti i za kapitalna ulaganja. Za sufinansiranje redovnih djelatnosti i obavljanja programskih aktivnosti u Budžetu za 2021. godinu izdvojen je iznos od 1.784.824 KM, i to za JU „Gradska galerija“, Gradski sportski savez, Crveni križ Bihać, JP RTV Bihać, JP „Turistička zajednica Bihać“, te JU „Stanouprava“.

Za projekte iz oblasti kulture, sporta i privrede raspisuju se javni pozivi čime se daje finansijska podrška građanima i raznim udruženjima za razvoj vlastitog biznisa.

NAJZNAČAJNIJA ULAGANJA IZ BUDŽETA GRADA BIHAĆA U 2021. godini

1. Završetak dogradnje i sanacije sportske dvorane „Luke“

- obuhvata dogradnju još jednog parketa, dogradnju tribina, nekoliko novih malih sala, svlačionica i drugih sadržaja
- dogradnja novih 1.200 kvadrata dvoranskog prostora
- početak implementacije projekta je 2020. godina, završetak 2021. godina
- vrijednost projekta iznosi 2,36 mil KM
- u Budžetu za 2021. godinu preostao je iznos od 1.209.884 KM za ostatak radova



2. Uvođenje novog sistema grijanja u dvoranu „Luke“

- projekat finansiran sredstvima IPA fondova – prekogranična saradnja sa RAUSK, REGEA, Karlovačkom županijom i općinom Herceg Novi u iznosu od 365.375 KM
- izrada kompletnog sistema energetski efikasnog grijanja na drvenu biomasu

3. Natkrivanje kanala Drobinice – Ozimice (I faza)

- ukupni trošak I faze iznosi 300.000 KM

4. Izgradnja puta Kamenica – Vrkašić

- ukupni trošak projekta iznosi 300.000 KM

5. Izgradnja pomoćnog stadiona sa umjetnom travom

- ukupni trošak I faze iznosi 400.000 KM



6. Izrada projektne dokumentacije i pribavljanje odobrenje za građenje za rekonstrukciju gradskog bazena i zapadne tribine stadiona NK Jedinstvo

- obuhvata rekonstrukciju postojećeg devastiranog objekta
- predmetni objekat moguće je primjenom Zakona o javno – privatnom partnerstvu staviti u funkciju



7. Programi podrške privredi, poljoprivredi i program razvoja turizma

- ukupan iznos planiran u Budžetu za ove programe je 300.000 KM
- realizirat će se putem programa poticaja i podrške koje će u formi programa predložiti resorna služba za privredu i poljoprivredu, a Turistička zajednica za turizam

8. Fond za sufinansiranje poboljšanje energetske efikasnosti objekata


- ukupan iznos planiran u Budžetu je 100.000,00 KM
- sredstva Grada će se udružiti sa eksternim izvorima finansiranja, te će se realizirati na osnovu Programa utroška sredstava

U Budžetu za 2021. godinu planirana su sredstva za:

- **opće javne usluge** u iznosu od 9.124.464 KM (28,90 %) (sredstva za funkcioniranje Gradskog organa uprave i nekategorisane funkcije)
- **javni red i sigurnost** u iznosu od 271.060 KM (0,86 %) za funkcioniranje Gradskog pravobranilaštva i Službe za inspekcijske poslove
- **obrazovanje** u iznosu od 643.000 KM (2,04 %) (sredstva za stipendije studentima i prevoz srednjoškolaca, adaptaciju i izgradnju školskih objekata)
- **kulturu** u iznosu od 790.953 KM (2,51 %) (sredstva za funkcioniranje JU „Kulturni centar i JU „Gradska galerija“, te finansiranje kulturnih manifestacija od značaja za grad)
- **sport** u iznosu od 1.990.666 KM (6,32 %) (sredstva za funkcioniranje Gradskog sportskog saveza, JU „za sport, odmor i rekreaciju“, te sportskih manifestacija od značaja za grad)
- **razvoj privrede i turizma** u iznosu od 490.000 KM (1,55 %) (sredstva za funkcioniranje „Turističke zajednice Bihać“, sredstva za sufinansiranje Grada u projektima vezanim za privredu i njegov razvoj)
- **civilnu zaštitu i odbranu** u iznosu od 1.039.759 KM (3,29 %) (sredstva Službe za civilnu zaštitu, stručne i zajedničke poslove koja organizuje, priprema i provodi zaštitu i spašavanje ljudi i materijalnih dobara na području grada Bihaća, izrađuje procjenu ugroženosti lica, objekata i zemljišta na području grada, predlaže plan zaštite i spašavanja od prirodnih i drugih nesreća sl.)
- **boračku populaciju** u iznosu od 153.840 KM (0,49 %) (sredstva za pomoć RVI, porodicama poginulih boraca u skladu sa Zakonom o dopunskim pravima boraca i članova njihovih porodica USK-a, stambeno zbrinjavanje boračke populacije, izgradnja spomen obilježja poginulim borcima – oslobodiocima)
- **socijalnu i zdravstvenu zaštitu** u iznosu od 2.553.263 KM (8,08 %) (sredstva JU „Centar za socijalni rad“ za pružanje socijalne i zdravstvene zaštite ugroženim građanima, te ostale pomoći ugroženim licima)
- **stambene i komunalne poslove** u iznosu od 11.530.487 KM (36,52 %) (sredstva za finansiranje Programa JU „Zavod za prostorno uređenje“ i sredstva za kapitalne projekte od važnosti za grad)
- **kreditno zaduženje Grada** u iznosu od 2.980.872 KM (9,44 %)

Izdvajanja iz Budžeta za oblasti

- opće javne usluge
- obrazovanje
- sport
- civilna zaštita i odbrana
- socijalna i zdravstvena zaštita
- kreditno zaduženje
- javni red i sigurnost
- kultura
- razvoj privrede i turizma
- boračka populacija
- stambeni i komunalni poslovi



Gradske ustanove su:

- Javna ustanova „Zavod za prostorno uređenje“
- Javna ustanova „Centar za socijalni rad“
- Javna ustanova „Gradska galerija“
- Javna ustanova „Kulturni centar“
- Javna ustanova „Stanouprava“
- Javna ustanova za sport, odmor i rekreaciju
- Turistička zajednica Grada Bihaća

Gradska preduzeća su:

- Javno komunalno preduzeće „Komrad“ d.o.o. Bihać
- Javno preduzeće „Vodovod“ d.o.o. Bihać
- Javno preduzeće „Radio-televizija Bihać“ d.o.o. Bihać
- Javno preduzeće „Veterinarska stanica“ d.o.o. Bihać
- Javno preduzeće „Aerodrom Bihać“ d.o.o. Bihać

Želeći poboljšati komunikaciju sa građanima, kreirana je nova redizajnirana web stranica Gradske uprave Bihaća koja građanima omogućava direktnu komunikaciju sa gradonačelnikom Bihaća, predsjedavajućim Gradskog vijeća, vijećnicima, načelnicima službi pri Gradskoj upravi i direktorima javnih ustanova i preduzeća kojima je osnivač Grad Bihać.

Na samoj web stanici moguće je pronaći sve značajne materijale poput materijala Gradskog vijeća, Vijećničkih pitanja i inicijativa, Službenih glasnika, Planskih dokumenata itd. Na dupleju na zgradi Gradske uprava, kao i na web stranici grada građani svakodnevno mogu pratiti stanje računa, odnosno prihoda i rashoda Grada Bihaća, kao i informacije o pojedinačnim plaćanjima na dnevnom osnovu.

Tu su i servisi e-Citizen koji predstavlja jedinstvenu pristupnu tačku, odnosno aplikaciju za sve komunikacijske potrebe koje se tiču prijave komunalnih problema, kao i sistem za analizu rizika od katastrofa DRAS.

Sam cilj svih pomenutih platformi jeste pozicioniranje Grada Bihaća kao transparentne, društveno odgovorne i otvorene lokalne zajednice. Na tom putu Grad Bihać ima zadatak da poboljša i unaprijedi komunikaciju između građana i gradonačelnika, te da se brže i efikasnije rješavaju zahtjevi građana, odnosno da detektuje osnovne probleme sa kojima se građani susreću, kako bi se isti sistemski rješavali u saradnji sa nadležnim službama Grada i javnim preduzećima i ustanovama.

Također je aktivan i besplatni VIBER telefon +387(0)61/057-057 , i to u cilju bolje, brže i lakše komunikacije sa građanima, tj. kako bi se građani mogli potpuno besplatno informisati o pravilima, procedurama, nadležnostima i svim ostalim pitanjima vezanim za Gradsku upravu Grada Bihaća, odnosno kako bi na jednostavan način mogli vršiti prijave sve probleme, te upućivati svoje primjedbe, pohvale i sugestije.

U skladu sa Statutom Grada Bihaća svi građani Bihaća mogu putem pismenog zahtjeva tražiti prijem na razgovor sa gradonačelnikom Bihaća ili osobama koje on za to ovlasti.

Internet stranica Grada: www.bihac.org

Kontakt telefoni u Gradskoj upravi: <http://bihac.org/bs/kontakti>

Radno vrijeme: 07:00-15:30